

景寧縣續志卷十一

景寧縣縣長浦江吳呂熙纂修

宦績志

史稱循吏曰良曰能綜覈其實化治蒸蒸桂林
周公澤我雅峯教育多士繼武文翁甯鄉仙吏
不我遐棄何地無才勉儲國器海陵藻鑑如九
方皋安昌杖履迺甄迺陶曲凜秋霜葛培芟棠
俱有遺愛鳴琴在堂如彼朱邑永祀桐鄉志宦
績

文治

吏治之隆首推兩漢而文翁爲之魁考其治行則所謂文治近是景雖下邑同光以來循良輻輳治行多卓卓可傳纂而次之與前志相輝映焉

孫杰字照遠雲南蒙化進士咸豐六年任縣優禮文士書院課手自品題捐廉獎賞添置田租以資振

作丁艱解綬閤邑惜之

前志遺漏
今補載

陳德漸字子木安徽懷寧監生同治四年署縣籌辦社穀以備災荒雅峯書院費缺詳請七憲分撥金仙寺田租三百六十石以充之定課士章程勒石

景寧縣續志

卷十二 宦績

文治

二

講堂以善其後

邢守道字印中河南封邱進士同治七年署縣愛士恤民建衆善局分惜字育嬰施棺收埋四所撥金仙寺租充之調平湖令陞杭州西防同知

周杰字桂園廣西靈川進士同治七年任縣九年調簾旋復任持躬謹飭治事精勤兼主雅峯書院講席花紅午膳俱出捐廉大比先期餞公堂集考決科士氣奮興上頌額於書院曰教育纂修縣志築洪嶺大橋貯社穀九百餘石重建縣治及典史署監獄等卒於任邑人哀思設祀

張維翰字慕九歸安歲貢光緒二年任訓導嚴重沈毅博學工文手輯十三經及文選分類兼主雅峯講席改削課藝精切不浮造就寒士賑卹苦瘡刻喉症吊脚痧方備丸藥濟人置儒學賓興在任二十二年乞休卒於家邑人聞訃有詣歸安弔之者李世基字肇卿安徽太湖優貢考取鑲藍旗漢教習光緒三年署縣明決仁慈歲歉設平糶年七十餘猶善楷書楹帖得者珍如拱璧陞署海寧州知州程鍾瑞字步庭江蘇溧陽監生光緒七年署縣勤政愛民清釐獄訟築張村官路疏鑿天師石危灘捐廉生息名程賓興嗣調瑞安令

景寧縣續志

卷十二宦績

文治

三

梅鑑源字肇森湖南寧鄉舉人光緒八年任縣學術湛深詞華典贍月旦考課精心斧削每一篇出土林傳誦公暇尊酒論文丰神瀟灑見者謂儒吏亦仙吏也嘗以邑雖僻壤不乏可造之士因署聯書院以示勗有何地無才願諸生琴席追隨石印山頭儲國器之句其雅意殷勤如此以病卒於官士民隕涕

葛華字植初福建閩縣舉人光緒十年署縣清儉寬平優禮文士儒學廩膳向由縣庫支給頗有折減

下車卽改革之士林上頌額於書院講堂曰栽培
卸事留別賦詩纏綿悱惻情見乎辭

沈翼清字贊卿會稽副貢光緒十二年選任教諭積
學閎深文章淵懿兼長雅峯書院辯難晰疑孜孜
不倦脩脯所入購書獎士卒於官士民立社致祭
劉省二字仲良江蘇丹徒監生光緒十四年任典史
廉儉持躬慈祥愷悌迥殊俗吏

曲賡雲字簡卿盛京監生光緒十五年署縣清剛絕
俗精幹過人長聽斷必得其情屢決疑案洞若神
明聞者嘆異公暇好文墨書院課手自批閱捐廉

景寧縣續志

卷十二宦績

文治

四

獎給以勞瘁卒施澤未久舉邑哀悼

袁銜字佩卿號淡生江蘇泰州光緒戊子江南鄉試
經魁中東戰後國家詔求異才大司寇廖公壽恒
薦君堪大用特旨授知縣光緒二十四年蒞任務
寬大歲飢民噪求食爲排糶以蘇之日若爲飢吾
不汝尤也室內列圖書萬卷公暇讀書臨帖有常
課招聰穎子弟入署躬自督課在任逾年卒止三
十八歲

萬康字季樂江蘇宜興拔貢光緒三十二年署縣清
廉持躬禮士愛民時國家罷科舉興學校下車卽

殷殷學務捐廉開校教育基礎實利賴之
張炳文字星甫福建閩縣例貢光緒三十三年任縣
清廉仁恕留心民瘼下車卽革除衙署陋規如鋪
堂權呈繳截收封呆規及庄書酒資等邑民大悅
下鄉履勘自備膳宿無絲毫累民幕僚僕從厚其
俸給無敢取外間文錢優禮士紳然非公不見見
亦不可干以私高小校勸學所甫成立經費多賴
籌畫洵良吏也去任之日士民數百祖餞十里外
佇立河干見舟帆遠去有泣下者

民國

景甯縣續志

卷十二 宦績

文治

五

民國以來會當鼎革官鮮久任率多未竟施爲以
去且其人大都生存月旦之評尙待來葉

前志文治後有武功一日夫自同光以來承平日
久不聞金革固無武功可紀雖近歲以閩省萑苻
時有竊發一經剿辦旋告敕平然隊自省調職非
守土揆以前志體例未便記載至最近有縣保衛
團基幹隊常備隊之設而締造伊始不可一日而
無備亦願百年而不用銘勒勲績其亦尙有待歟